

§ 19. Rjadna hłowna zhromadźizna.

Rjadna hłowna zhromadźizna bywa kóždolětnje srjedu po jutrach.

§ 20. Wozjewjenja.

Wšitke we wustawkach postajene wozjewjenja dawaja so do zastojnskich nowin w Budyšinje wukhadźacych a do „Serbskich Nowin“, tehorunja tam wudawanych. Něhdźne rozwjazanje towařnistwa dyrbi so tež hišće trójcy we „Leipz. Zeitung“ wozjewić.

§ 21. Skutkowanski porjad.

Wšitke zbytnje prawidła, kotrež su trěbne, zo bychu wobkhod towařnistwa rjadowale, postajeja so w skutkowanskim porjedze, w zhromadnym posedženju předsydstwa a wubjerka wudźělanym a wobzamknjenym, kotryž k cyłosci tutech wustawkow njeprislusa.

Budyšin, 19. meje 1875.

Přispomnjenje. Tute wustawki buchu w němskim texće wot kralowskeho sudnistwa we wokresnym sudže w Budyšinje z resolućiu 18. novembra 1875 za dobre spóznaće. Wone maja so nětko wot wšěch sobustawow podpisać a potom z nowa mjenowanemu sudnistwu podać. Na hłownej zhromadźiznje 1876 dyrbja so wólby po § 9 stać a přeměnenja w předsydstwje a sobustawstwje po tej a kóždej přichodnej hłownej zhromadźiznje tam wozjewić. Z originala sym tute nowe wažne wustawki, kaž so za Časopis a towařstwo slusa, do serbskeje ryče sam přeložil.

M. Hórnik.



Wučahi z protokollow M. S.

1) Zhromadźizna wubjerka, 19. měrca 1875. Přitomni: Smoler, Fiedler, Hórnik a Łusčanski. Najprjedy wuradźuje so džeński porjad za hłownu zhromadźiznu; porjad ma być kaž dotal, a přińdže k temu jenož rozprawa předsydy wo naležnosćach maćičneho domu. Dale maja so nowe wustawki k přizwaću předpołožiť, hdyž su prjedy hišće junu wot kk. Smolerja, Hórnik a Łusčankeho přehladane. Potom bu wot k. Hórnik rukopis powjedańčka wot J. B. Mučinka z mjenom „Bratřa“ předpoloženy a k čišću přiwzaty, dokelž so tež hišće druhu referent za to wupraji. Skónčnje postaji so nakład šulskich spěwow na 3000.

2) Hłowna zhromadźizna, 31. měrca 1875. Wona běše tón króć we „winowej kići“ a bu w přitomnosći 23 sobustawow wot k. předsydy Smolerja wjedžena. Po wotewrjenju čitaše k sekretar Łusčanski lětnu rozprawu. Po přichodnym zawodze rozpraji wón, zo je M. S. wob lěto wudała: Časopis, protyku (5000 exemplarow) a šulske spěwy. Nowe sobustawy běchu: Jan Broda z Budyšina, gymnasiast Delenčka, k. Durich z Prahi, k. ryčnik Lenoč z Jičina, k. předar Fr. Láb tam, k. fabrikant Fröhlich tam, k. stud. phil. Hollan z Lipska, študentske towařstwo „Sorabia“ z Lipska a spěwanske towařstwo „Jednota“ z Khrósćic. Wumrjel bě: k. Jurij Cyž (hl. nekrolog); wustupił pak k. Rychtar z Kotec. Po hłownej rozprawje slěduje pokladnikowa; k. Jakub rozestaja, zo běše dokhodow 385 tol. 3 nsl. 4 np., a wudawkow 364 tol. 10 nsl. 1 np., tak zo bě 20 tol. 23 nsl. 3 np. zbytk a zo w tu khwilu zamoženje 190 tol. 23 nsl. 3 np. wučinja. Knihownja bě, kaž k. Fiedler rozestaja, wo 149 čislow přirostla. Temu přizamkuja so rozprawy jenotliwych wotrjadow a rozprawa k. Smolerja wo maćičnym domje. Dokelž při wšej nałożowanej prócy njejsmy pjenjezy dostali,